

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), tačke III i IV Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava „Tekući transferi pojedincima – Transfer za raseljena lica i povratnike“ utvrđenih Budžetom Federacije Bosne i Hercegovine za 2023. godinu Federalnom ministarstvu raseljenih osoba i izbjeglica, V. broj: 225/2023 od 16.02.2023. godine („Službene novine Federacije BiH“, broj: 13/23) i člana 26. Pravilnika o unutrašnjoj organizaciji Federalnog ministarstva raseljenih osoba i izbjeglica, broj: 02-02-312-15/23 od 23.03.2023. godine godine, federalni ministar raseljenih osoba i izbjeglica, **raspisuje**

**Javni poziv
za dodjelu novčanih sredstava učenicima osnovnih škola povratnicima iz entiteta
Federacija BiH u entitet Republika Srpska na ime jednokratne novčane pomoći za
početak školske godine, za školsku 2023/2024 godinu**

I

Objavljuje se Javni poziv za dodjelu novčanih sredstava učenicima osnovnih škola povratnicima iz entiteta Federacija BiH u entitet Republika Srpska koji pohađaju nastavu u osnovnim školama na području entiteta Republika Srpska, na ime jednokratne novčane pomoći za početak školske godine, za školsku 2023/2024 godinu

II

Pravo na dodjelu novčanih sredstava imaju učenici osnovnih škola koji ispunjavaju sljedeće uslove:

1. da su članovi povratničkih domaćinstava na području entiteta Republike Srpska;
2. da imaju prijavljeno prebivalište u opštinama povratka na području entiteta Republika Srpska (uključujući roditelje);
3. da pohađaju redovno osnovnu školu na području entiteta Republika Srpska, kao i u rubnim dijelovima FBiH

III

Iznos novčanih sredstava, po jednom učeniku osnovne škole, iznositi će maksimalno do 500,00 KM za cijelu školsku godinu.

IV

Isplata novčanih sredstava će se izvršiti na transakcijski račun roditelja.

V

Prijava na Javni poziv treba obavezno da sadrži sljedeće dokumente:

1. Čitko popunjenu i potpisanu prijavu na Javni poziv, na obrascu koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi H. Čemerlića br. 2, Sarajevo;
2. Ovjereni izjava o zajedničkom domaćinstvu (kućna lista), ne starija od 6 mjeseci;

3. Originalno uvjerenje o prebivalištu (CIPS) jednog od roditelja i rodni list učenika, ne stariji od 30 dana;
4. Originalno uvjerenje/potvrda da su redovni učenici u osnovnih školama na području entiteta Republika Srpska, ili rubnim dijelovima Federacije BiH, ne starije od 30 dana;
5. Kopija ugovora sa bankom o otvaranju transakcijskog/tekućeg računa ili kopija ugovora sa bankom o otvaranju transakcijskog/tekućeg računa roditelja, kao i CIPS/kopija LK za roditelja koji ima otvoren račun u banci.
6. Dokazi o visini prihoda članova zajedničkog domaćinstva:
 - a) Potvrda o visini plaće zaposlenih članova domaćinstva, i/ili
 - b) Ček od PIO/MIO o visini penzije/mirovine (porodična/obiteljska, starosna penzija/mirovina, invalidska penzija/mirovina) ako je član domaćinstva penzioner/umirovljenik), i/ili
 - c) Dokaz o nezaposlenosti članova domaćinstva: potvrda biroa za zapošljavanje, lične izjave o (ne)ostvarenim godišnjim prihodima ovjerene od strane općinske službe za ovjeru potpisa ili dokazi o školovanju za ostale nezaposlene članove domaćinstva.

VI

U slučaju prijavljivanja velikog broja kandidata za dodjelu noćanih sredstava na ime jednokratne novčane pomoći za početak školske godine u ovoj školskoj godini, prednost će imati učenici sa manjim prihodima po članu domaćinstva.

Prijave sa svim traženim dokumentima dostaviti lično ili poštom preporučeno, sa naznakom **“Prijava na Javni poziv za dodjelu novčanih sredstava učenicima osnovnih škola povratnicima iz entiteta Federacija BiH u entitet Republika Srpska na ime jednokratne novčane pomoći za početak školske godine, za školsku 2023/2024 godinu.**

na adresu:

**Federalno ministarstvo raseljenih osoba i izbjeglica
Ul. Hamdije Čemerlića br. 2, 71000 Sarajevo**

(Na poleđini koverta navesti ime i prezime podnosioca i tačnu adresu)

Javni poziv ostaje otvoren 21 dan, od dana objavljivanja.

Nepotpune i neblagovremene prijave neće se uzimati u razmatranje.
Federalno ministarstvo nema obavezu vraćati predatu dokumentaciju aplikantima.

**Broj: 05-32-5- 649-1/23
Sarajevo, 27.04.2023. godine**

MINISTAR
dr.sci. Edin Ramić

